

Q. B. V.

DISSERTATIO MORALIS

De

VOLUNTATE PERFICIENDA,

Qvam

Consensu Ampl. Fac. Phil. in Reg.

Acad. Aboensi,

PRÆSIDE

HENRICO HASSEL,

Eloqvent. Prof. Reg. & Ord.

*Pro obtinendis honoribus Philosophicis publice
examinandam sedit*

NICOLAUS IDMAN


Satag. Fennio.

Die **26.** Aprilis D. V. An. MDCCXXXVIII.

Loco Horisque solitis.

ABOÆ, Excid. JOH. KIÆMPE, Reg. Acad. Typ.

ad.



I. N. D.

§. I.

Est Deus ens perfectissimum, a quo omnis exulat imperfectio, mundumque hunc perfectionis suæ manifestandæ gratia produxit; non potest ergo aliud velle, quam quod perfectum est. Hinc idem Deus T. O. M. etiam vult omnem possibilem hominis perfectionem, & consequenter hunc, facultatum suarum usu ad perfectionem anni. Unde quoque ipsis hominum animis flagrantem perfectionis indidit cupiditatem; ita, ut quivis felix, nemo vero infelix esse cupiat, quod experientia abunde testatur.

§. II.

Summa itaque legis naturalis hoc redit: Fac quod Te, statumque tuum, tam internum,

A

quam

quam externum, ac aliorum perficit; Omitte^{cc}
vero, quod tibi, statuique tuo, tam interno,^{cc}
quam externo, ac aliorum nocet, ut gloria^{cc}
divina manifestetur & illustretur.

Satva aliorum auctoritate, hoc principium
nobis maxime arrisit, utpote quod optime exæ-
quet juris naturalis præcepta. Et licet in quovis
casu obvenienti non statim apparet vis huius prin-
cipii, semper tamen rite concludendo, normam
præbet dirigendi actiones humanas.

§. III.

GAUDER homo duabus facultatibus, Intellectu
nimirum & Voluntate. Per Intellectum eam
animæ facultatem intelligo, qua illæ res possibiles
(*) sibi distincte (**) representat. Voluntas au-
tem est facultas animæ, qua illa se ad objectum,
pro ratione boni, quod in eo distincte cognoscere
sibi videtur, (***) inclinat.

(*) Studio dixi intellectum versari circa possi-
bilia; nam que contradictionem implicant, seu exo-
sistere nullo modo possunt, nemo sibi representare
potest.

(**) Ut intellectum ab imaginatione distingue-
rem,

tem, usus sum in definitione voc. distinete. *Est* namque hæc indoles imaginationis, ut aliquid obscuri & confusi continet, quod intellectus operarum & distinctum redditur; unde constat intellectum & imaginationem in modo representandi differre.

(***) Non sine causa dixi, anima videri se distincte cognoscere objectum, quod appetit. *Ad* voluntatem namque determinandam non requiriatur judicij & cognitionis veritas; cum si voluntas ex alia cognitione, quam vera excitari non posset, nunquam mala appeteret, quod tamen fieri experientia testatur.

§. IV.

Cum ignoti nulla sit cupido, primum necessarie est, res cognoscamus, quam easdem appetere vel averlari possumus. Voluntas enim non agit absque motivis, motiva autem perspicere intellectus officium est (§. 3.); unde patet intellectum prius esse perficiendum, quam voluntatem. Summo igitur studio evitanda est ignorantia.

¶ cum nos imperfectiores reddat; & e contrario
omnis possibilis cognitio boni & mali acquiren-
da.

§. V.

Duos modis objecta nobis repräsentantur; vel
eīm confusas & obscuras tantum habemus
rerum notiones, quæ a facultate cognoscitiva
interiore proveniunt; vel etiam clare & distin-
cte easdem percipimus, qvæ perceptio ab intel-
lectu, ceu facultate superiore, oritur. (§. 3.).
Quo clarius & distinctius rem percipere valemus,
eo majori gradu perfectione gaudemus; cumq;
obscura & confusa cognitio facultati inferiori
tribuatur (§. cit.); nos autem obligemur ad
qvovis possibili modo nos perficiendos (§. 2.);
pater nos nunquam soli sentuum aut imagina-
tionis judicio acquiescere debere, sed quousque
possibile est, operam dare, ut claras & di-
stinctas rerum habeamus perceptiones.

§. VI.

Hoc autem ut eo facilius conseqvi possimus,
opera danda est

Io *Attentioni*, quæ efficit, ut perceptio
quælibet partialis clarior evadat cæteris; cum-
qve

que totalis eo clarior fiat, quo clariores sunt partiales, patet attentionem ab una parte ad aliam esse transferendam, quo ad notiones distinctas tandem pervenitur.

2:0 *Acumini*, quod absolvitur notionum distinctarum in alias simpliciores analysi; atque hoc eo magis necessarium est, quo certius constat ejus ope, in quovis casu obvio, bonum a malo absque errore discerni posse.

3:0 *Fundamentali cognitioni*; quae in claritate & certitudine infallibili conclusionum consistit, ad quam in primis requiruntur (*a*) *Ingenium*, (*b*) *Intelligentia*, (*c*) *Facultas inveniendi*, (*d*) *Facultas demonstrandi*, & (*e*) *Scientia*.

4:0 *Prudentia*, quae est facultas ordinandi actiones ad finem propositum.

5:0 *Promto rationis usui*, quippe qui ad cognitionem boni & mali, ut facultas perspicisciendi connexionem veritatum, summe necessarius est.

§. VII.

Quemadmodum nihil appetere possimus, nisi prius ejus cognitionem habeamus (§. 4.);
Cogni-

Cognitio autem nostra duplex est, nimirum
inferior, seu obscura & confusa, & superior
seu clara & distincta (§. 5.); ita etiam vo-
luntas nostra considerari solet, prout vel ex
cognitione inferiori, vel superiori oritur, di-
stinguiturque in facultatem appetitivam inferio-
rem & superiorem.

§. VIII.

Experimur animæ nostræ inesse libertatem
sponte eligendi, quod ipsi maxime placet;
pater ergo ab eadem omnem mechanicam ne-
cessitatem removeri, cum in se & sua natura
indifferens sit ad agendum hoc vel istud, ad
actionem hoc vel illo modo determinandam.
Et licet anima non agat sine motivis (§. 4.),
non tamen inde sequitur illam necessitari ad a-
gendum, qvum ideo sit libera, quod motiva
intelligere, & secundum illa se determinare
possit.

§. IX.

Ibere itaque anima appetit, quod ipsi ma-
xime arridet (§. 8.), & consequenter ra-
lis in appetendo libertatis exercitio, vel perfe-
ctio-

ctionem vel imperfectionem sibi statuque suo ac aliorum affert. Cum autem Lex omnem possibilem perfectionem requirat (§. 2.), haud difficulter apparet, quascunque voluntatis actiones secundum hanc legem determinandas esse.

§. X.

Est ergo voluntas perficienda (§. 91), Perfectio autem ejus in eo consistit, ut nihil agamus sine motivis antea distincte cognitis & adjudicatis, h. e. ut nihil appetamus, nisi quod vere bonum est, nihilque aversemur, nisi quod vere malum. Cumque facultas appetitiva interior, ex facultate cognoscitiva inferiori, ceu obscura & confusa oriatur (§. 7.), & consequenter bonis apparentibus s̄epissime adhæreat; nos autem obligemur ad claras & distinctas perceptiones comparandas (§. 5.), patet, si voluntatis perfectio obtainenda est, facultati appetitivæ inferiori nihil credi posse.

§. XI.

Cum nihil appetere vel aversari possimus eorum, quæ incognita sunt (§. 4.); Voluntas etiam, prout cognitio nostra fuerit, vel per-

perfectior vel imperfectior sit (§. 10.) Quisque videt omnem voluntatis imperfectionem ab intellectu imperfecto venire , omnemque consequenter eius perfectionem intellectus perfectione comparandam esse.

§. XII.

Experimur quidem homines, alio quoque modo compelli ad facienda bona & omittenda mala , nimirum verberibus , poenis aliqua coactione ; hac autem ratione voluntas emendari non potest , quia externis mediis cogi nequit , sed tantum modo supprimitur , ut sub coactione quiescat , & sese non exelerat : illa autem , nimirum coactione, cessante , eo vehementius vetita arripit , quod experientia abunde testatur. Et si vel talis coactionis diuturno usu effici posse , ut bonum a coacto committatur & malum omittatur ; potest quidem imaginari , illud , ad quod cogitur , esse bonum , & consequenter faciendum , cum ilius omissio poenas secum ferat ; nexus tamen veritatum non perspicit , nec motiva ex ipsa actionis moralitate dijudicare valet , consequenter libere non agit , sed instar servi.

§. XIII.

XIII.

Cumque tales, qui servi in bono sunt, tam
bono apparenti, quam conversatione cum
hominibus pravis facile perduci possint ad
mala moralia; utpote qui veram ac genuinam
rationem non videant, cur hec vel ista actio sit fa-
cienda vel omittenda; patet praे omnibus necesse
esse, ut in singulis nostris actionibus accurate ex-
aminemus & perquiramus, num nobis utile aut
perniciolum aliquid exinde proveniat; semper
considerantes, legis naturalis observantiam esse
medium ad felicitatem consequendum. Et qui
promptum sibi adquisiverunt rationis usum, seu
qui habitu gaudent nexum veritatum perspi-
ciendi (§. 6.), non solum libere, verum et-
iam lubenter perfectionem suam promovent, &
consequenter veram ac stabilem obtinere possunt
felicitatem.

§. XIV.

Cuique notum est, nos sape appetere mala
& aversari bona; cum autem voluntas a-
perte mala appetere non possit, nec aperte bona
aver-

aversari, est quippe homo felicitatis suæ cupido; patet illud exinde fieri, quod vel malum, ut malum, non cognoscimus, sed bonum esse judicamus; vel etiam exinde, quod in se actionem quidem esse malam reperimus, interim tamen eam, ad bonum aliquod exinde obtinendum, appetimus & committimus. Cum autem ex perfectione actionis voluptas oriatur, ex imperfectione autem tedium, displicentia, &c; clarum est, nos, dum bonum apparens appetivimus, ejus imperfectione cognita, tedium affici, cumque malum apparens aversari fuimus, rei perfectione agnita, ad eandem appetendam excitari. Vanda igitur est opera, ut nunquam soli apparentię adhæreamus, sed quantum in nobis est, distinctam & completam comparemus nobis rerum cognitionem, & accurate consideremus, non solum nostrarum, verum etiam aliorum aetrorum eventus, & quomodo voluptas saepe in tedium mutari possit.

¶. XV.

ET quamquam hæ regulæ sufficientes sint ille, qui rectæ vitæ student; interim tamen conce-

ff

concedendum, illas nihil efficere posse apud tales, qui de eventuum, actiones consequentium, certitudine inquirere non conservaverunt, & actionum moralitatem ex voluptate & tedium appetenti solum dijudicant; cum talis voluptas, tedium & affectus vehementiori impetu animum commoveant, quam representationes rationales. Unde apparet, talem non posse corrigi, nisi vel representationibus talis accedat vis, ut viai consuetudinis & affectuum vincat, & consequenter tedium experiatur loco voluptatis, ante perceptæ, vel etiam occasio talia commitendi subripiatur, & penitus, accuratae informationi junctis, ad saniora redigatur.

§. XVI.

Dum aliquid saepius agimus, aut aliquam actionem cum appetitu quodam repetimus, vocatur consuetudo. Cum autem in consuetudine, motiva ad actionem peragendam non observemus, sed tantummodo, dum aliquid primum appetivimus vel aversati fuimus, cognitis & dijudicatis acquiescamus, sive ista cognitio fuerit clara, sive obscura, distincta, sive confusa,

fusa, & consuetudo tamen ejusdemodi vel ad bonum vel ad malum dirigatur; haud difficulter videri potest, nos obligari ad id, ut in nulla actione consuetudinem nobis attrahamus, nisi prius ejus moralitatem distincte cognooscamus, cum lex omnem possibilem perfectionem a nobis requirat (§. 2.). Et si quis eo venerit, ut consuetudinem sibi attraxerit appetendi bona apparentia, seu mala, & averlandi mala apparentia, seu bona, utpote qui sensuum judicio stans, ex voluptate & tedium, tantum apparenti, actionum moralitatem diuidet, is alio modo revocari non potest ad omissendam talem consuetudinem, quam regulis §. 15. datis.

§. XVII.

Cum multo facilius sit perducere illum ad perficiendam voluntatem suam, qui pravae consuetudini nondum se se dederat, quam a lium, qui eandem ad agenda mala & omissenda bona sibi attraxerat; patet perfectionem voluntatis optime obtineri posse, dum ab infantia, consuetudine ad malum faciendum adhuc nula,

la, aut infirmitate existente, aliquis asservet ad bonum faciendum. Præcipue autem, cum voluntas perfici nequeat intellectu erroribus impleto (§. II.); clarum est, in primis operam dandam esse, ut ab incunabulis homo in cognitione boni & mali exerceatur (§. 4.), eamque non obscuram, sed claram & distinctam reddat (§. 5.); ad quod opus est Attentione (§. 6.), Acumine (§. cit.), Fundamental cognitione (§. cit.), Prudentia (§. cit.) & Promoto Rationis usu (§. cit.); quo quamcitatissime effici potest, ut homo legis naturalis præcepta non solum percipiat, verum etiam secundum eadem vitam suam, non coacte, sed libere componat (§. 12. 13.), & dominium insensus, imaginationem & affectus consequatur (§. 14. 15.). Quod eo facilius actui dari potest, quia cuique insertus est amor felicitatis, & odium infelicitatis suæ, modo, vi dictorum, notiones distinctas & completas boni & mali, seu felicitatis & infelicitatis, in quovis casu obvio formate, & actionum moralitatem, non ex voluptate & tædio apparenti & facile mutabili,

bili, sed vera & permanente (§. 14.), dijudicare discat,

§. XVIII.

Experimur nos ad quasdam actiones peragendas majori quandoquidem impetu commoveri & impelli quam ad alias, quod affectus nomine insignitur. Cumque hi semper aliquid periculosi contineant, utpote qui originem consultæ boni perceptioni, ex facultate cognoscitiva inferiore provenienti (§. 5.), debeant, nos autem ad distinctam nobis cognitionem, quantum possibile est, comparandam, obligemur (§. cit.); patet iisdem pro virili obriam eundum esse, eosque, prout necesse fuerit, compescendos & corrigendos, præcipue cum maxima servitus in actionibus ad legem componendis ex iisdem proveniat (§. 12. 13.).

§. XIX.

Oriuntur affectus ex confusa boni & mali cognitione (§. 18.) ergo hi aliter corrigi nequeunt, quam dum cognitionem boni & mali distinctam & adæquatam nobis comparamus. Videmus quidem temperaments hominis

ad

ad quasdam actiones incitamenta haud exigua præbere, ita ut primo intuitu appareat, intellectum in quibusdam actionibus voluntatem non præcedere, nec eidem motiva subministrare, & consequenter voluntatem absque intellectu posse emendari, contra ea quæ antea differuimus. Verum enimvero, dum accuratius rem consideramus, reperiemus omnino mortales in istis etiam actionibus, ad quas natura sua inclinant, quodam judicandi & ratiocinandi genere uti in bono a malo discernendo; e. g. qui avaritiae deditus est, tali judicio in actionibus determinandis utitur; *Quod divitias & opes affert, bonum est; quod vero earum acquisitioni nocet, malum.* In singulari etiam calu argumentatur: *Hoc affert divitias, ergo bonum; hoc vero divitiis privat, ergo malum;* in quo fundamen-tum servitutis eorum consistit. Clarum itaque est, talem, si corrigendus erit, prius debere informari de errore tuo judicio in bono a malo discernendo, & deinde deduci ad veras & distinctas boni & mali notiones sibi formandas.

§. XX.

Proveniunt affectus ex repræsentatione confusa boni & mali (§. 18.), qui alio modo sedari nequeunt, quam repræsentationibus rationalibus (§. 19.). Cum autem nobis ipse incognitum sit, quonam fundamento, affectuum dominio subditus, in repræsentatione boni & mali usus sit, patet difficultas revocandi eum ab affectu semel percepto.

§. XXI.

Cum impossibile sit affectus in totum eradicare, quia in ipsa hominis natura fundatur (§. 19.); immo minus necesse, cum non pauci eorum aliquid boni contineant: appareat affectus optime corrigi, dum inclinationis naturalis habetur ratio. e. g. Ambitio felicissimo successu corrigitur, dum honoris cupidus de errore suo de honore iudicio informatur, nempe id, ex quo honorem petit, vel nullum honorem, vel etiam pudorem afferre, eiique nocere; & e contrario docetur, verum honorem, non in elatione super alios consistere, sed in vita honesta & studio de aliis bene merendi fundamentum habere.

§. XXII.

§. XXII.

COrriguntur etiam affectus affectibus contrariis; e. g. l^aetitiae moderamur, dum ali- quid mali aut infelicitatis, tristitiam excitant, in memoriam revocamus, & contra. Quæ ratio affectus coercendi usitatissima est.

§. XXIII.

Rite & accurate observatis his, quæ de voluntate perficienda dicta & breviter examinata sunt, consequimur perfectionem ejus consistentem in hoc, quod nihil appetamus, nisi vere bonum, nihilque aversemur, nisi vere malum (§. 10.); & consequenter actiones nostras legi naturali (§. 2.) convenienter determinamus, conscientia gaudemus tranquilla, felicitatisque veræ participes reddimur. Quæ omnia & necessitatem & utilitatem voluntatis emendandæ & perficiendæ demonstrantia, singulos excitare deberent ad indefessus huic negotio studendum, quod sincere optamus.

S. D. G.

